

UJEDINJENE
NACIJE



Međunarodni rezidualni mehanizam
za krivične sudove

Predmet br.: MICT-13-53-ES.2

Datum: 8. novembar 2024.

Original: engleski

PREDSJEDNICA MEHANIZMA

Rješava: sudija Graciela Gatti Santana, predsjednica
Sekretar: g. Abubacarr M. Tambadou
Nalog od: 8. novembra 2024.

TUŽILAC

protiv

MIĆE STANIŠIĆA

JAVNO

**NALOG ZA DOSTAVLJANJE JAVNE REDIGOVANE VERZIJE
MOLBE ZA PRIJEVREMENO PUŠTANJE NA SLOBODU
MIĆE STANIŠIĆA**

Zastupnik g. Miće Stanišića:

g. Slobodan Zečević

JA, GRACIELA GATTI SANTANA, predsjednica Međunarodnog rezidualnog mehanizma za krivične sudove (dalje u tekstu: predsjednica, odnosno Mehanizam);

PODSJEĆAJUĆI da g. Mićo Stanišić (dalje u tekstu: Stanišić) izdržava kaznu zatvora od 22 godine u Republici Poljskoj nakon osuda koje mu je izrekao Međunarodni krivični sud za bivšu Jugoslaviju za progon kao zločin protiv čovječnosti, i za ubistvo i mučenje kao kršenja zakona i običaja ratovanja;¹

IMAJUĆI U VIDU direktnu molbu za prijevremeno puštanje na slobodu koju je Stanišić dostavio na povjerljivoj osnovi 15. oktobra 2024.;²

PODSJEĆAJUĆI da su svi postupci pred Mehanizmom javni osim ako ne postoje izuzetni razlozi koji zahtijevaju da budu povjerljivi;³

PODSJEĆAJUĆI da, u skladu s relevantnim Uputstvom, “osim ukoliko vanredni razlozi ne nalažu da budu povjerljivi, sve osuđene osobe kojima pomaže pravni zastupnik, podnose direktnu molbu u spis kao javnu ili zajedno s javnom redigovanom verzijom”;⁴

UZIMAJUĆI U OBZIR da se sve informacije koje se odnose na Stanišićeve lične okolnosti koje su navedene u Molbi mogu zaštititi odgovarajućim redigovanjem, ako se to smatra potrebnim;

UZIMAJUĆI U OBZIR da, iz razloga bezbjednosti, ime grada u kojem bi Stanišić namjeravao da živi ako bude prijevremeno pušten na slobodu⁵ treba redigovati u Molbi;

OVIM NALAŽEM Stanišiću da u roku od 14 dana dostavi javnu redigovanu verziju Molbe, u skladu s ovim nalogom.

¹ V. Nalog o određivanju države u kojoj će Mićo Stanišić izdržavati kaznu, 7. juni 2019., str. 2; *Tužilac protiv Miće Stanišića i Stojana Župljanina*, predmet br. IT-08-91-A, Presuda, 30. juni 2016., par. 4, 1193.

² Molba Miće Stanišića za prijevremeno puštanje na slobodu u skladu s članom 6 Uputstva za rad prilikom rješavanja po molbama za pomilovanje, ublažavanje kazne i prijevremeno puštanje na slobodu osoba koje su osudili MKSR, MKSJ ili Mehanizam, 15. oktobar 2024. (povjerljivo) (dalje u tekstu: Molba).

³ V. *Tužilac protiv Ratka Mladića*, predmet br. MICT-13-56-ES, Nalog za dostavljanje javne redigovane verzije hitne molbe Ratka Mladića, 30. april 2024., str. 1; *Tužilac protiv Franka Simatovića*, predmet br. MICT-15-96-ES.1, Nalog za dostavljanje javnih redigovanih verzija podnesaka Franka Simatovića u vezi s njegovom molbom za prepravno puštanje na slobodu, 5. septembar 2023., str. 1; *Tužilac protiv Dragoljuba Kunarca*, predmet br. MICT-15-88-ES.1, Nalog za dostavljanje javne redigovane verzije molbe Dragoljuba Kunarca za prijevremeno puštanje na slobodu, 11. april 2023., str. 1.

⁴ Uputstvo za rad prilikom rješavanja po molbama za pomilovanje, ublažavanje kazne i prijevremeno puštanje na slobodu osoba koje su osudili MSKR, MKSJ ili Mehanizam, MICT/3/Rev.4, 1. juli 2024., par. 6.

⁵ Molba, par. 15.

Sastavljeno na engleskom i francuskom jeziku, pri čemu je mjerodavna verzija na engleskom.

Dana 8. novembra 2024.,
u Haagu,
Nizozemska

/potpis na originalu/
sudija Graciela Gatti Santana
predsjednica

[pečat Mehanizma]